



Халқ сўзи

Ўзбекистон —
келажаги
буюк
давлат

1991 йил 1 январдан чиқа бошлаган • http://xs.uz • E-mail: Info@xs.uz • 2013 йил 31 май, № 105 (5779) Жума

Янгиликлар, воқеалар, хабарлар

Янгибозор туманидаги "Мирзо Халилло ўғли" хусусий корхонаси томонидан деворбоп материаллар ишлаб чиқаришга мўлжалланган лойиҳа амалга оширилди.

Янгибозорда янги лойиҳа

— Кичик корхонамизда кунига 10 минг донадан ортиқ сифатли пишик гишт тайёрланмоқда, — дейди корхона раҳбари Халилло Шомуродов. — Бизнесимизни йўлга қўйишда ўз маблағимиз ҳамда банкнинг 80 миллион сўмлик кредитидан фойдаландик. Натижада 13 кишининг доимий бандлиги таъминланди.

Ойбек РАХИМОВ,
«Халқ сўзи» мухбири.

Боғ чирой очди

Асака маданият ва истироҳат боғининг бир қисми ёшлар ихтиёрига топширилди, бу ерда кенг қўламли бунёдкорлик ва ободонлаштириш ишлари авж олди.

Хусусан, масканда ҳомийлар ёрдамида 1100 ўринли ўйингоҳ капитал таъмирдан чиқарилди. Болажонларга завку шавқ улашувчи аттракционлар ишга туширилди.

— Жорий йилда боғимизда спорт клуби, сузиш ҳавзаси, дам олиб ҳордиқ чиқара-

диган жойлар ҳам ташкил этилади, — дейди "Қамолот" ёшлар маскани раҳбари Одилжон Маманазаров. — Бу мақсадлар учун 2,5 миллиард сўм йўналтирилаяпти.

Одилжон ШОДМОНАЛИЕВ,
«Халқ сўзи» мухбири.

Имтиёзли

кредит самараси

Узун туманидаги "Узун Аҳрор сервис" хусусий корхонаси томонидан Тўпаланг дарёси бўйида тош ва кум саралаш корхонаси ишга туширилди.

Бунинг учун банкнинг 250 миллион сўмлик имтиёзли кредитидан самарали фойдаланилди. Ҳозир бу ерда замонавий технологиялар ёрдамида соатига 15 куб тош ва кум сараланиб, бюртмачиларга етказилмоқда.

— Бизда қурилиш ашёлари нархи бирмунча арзон, — дейди корхона раҳбари Санжар Сайдалиев. — Чунки тайёрланаётган маҳсулот учун хом ашё узоқдан ташиб келтирилмаяпти. Қолаверса, ускуналари электр энергиясини кам сарфлаб, кўп миқдорда маҳсулот ишлаб чиқариш имконини беради.

Нормурод ТЕМИРОВ,
«Халқ сўзи» мухбири.

Юқори сифат, қўшимча имконият

Бекобод шаҳридаги "Металлург" шифохонаси қошида махсус ихтисослаштирилган дори-хона фаолият бошлаши билан муассасада даволанаётган беморлар учун қўшимча қулайлик яратилди.

Чунки бу ерда кундалик зарур инъекцион эритмалари ва махсус таркибга эга препаратларни тайёрлаш учун, бор-йўғи, 15 дақиқа кифоя.

— Айни пайтда шу турдаги дори-дармонлардан 17 хилини тайёрлашни ўзлаштирдик, — дейди муассаса фармацевт-технологи

Зилола Маъмуржонова. — Дорихонамизда ишлаб чиқариш жараёни мезъёрий талабларга тўла жавоб беради. Тайёрланаётган ҳар бир малҳам лабораториямизда сифат текширувдан ўтиб, юқори босимда стерилланади.

Файрат ШЕРАЛИЕВ,
«Халқ сўзи» мухбири.

МЕҲРДАН ЯРАЛГАН ДУРДОНА



Республикаимизда оилавий тадбиркорликка қаратилаётган эътибор оила муҳитида шаклланиб, сайқал топадиган миллий хунармандчилик ривожига янги даврни бошлаб берди. Натижада унинг унутилиб кетаётган кўплаб турлари истиқлол йилларида қайта тикланиб, жаҳон узра доврүк қозонди.

ХУНАРМАНДЧИЛИК

Бунда Президентимизнинг 2010 йил 30 мартдаги "Халқ бадий хунармандчилиги ва амалий санъатини ривожлантиришни янада қўллаб-қувватлаш тўғрисида"ги Фармонида белгилаб берилган имтиёзлар рағбатлантирувчи омил бўлаётганини алоҳида қайд этиш керак.

Қарши туманидаги Ниёзмудин қишлоғида истиқомат қилувчи 76 ёшли Маҳфират ая Равшанова ҳам оилавий тадбиркорликка ярати берилган шарт-шароитдан унумли фойдаланиб, каштачиликни санъат даражасига кўтаришга муваффақ бўлди. Пировардида у тиккан сўзаналарга бўлган талаб тобора ошиб, ёшлар орасида ушбу хунарни ўрганишга бўлган иштиёқ кучайди.

(Давоми 2-бетда).

ИНВЕСТИЦИЯВИЙ ЖОЗИБАДОРЛИК

«Навоий» эркин индустриал-иқтисодий зонаси фаолиятида яққол намён бўлмоқда

Ҳар қандай мамлакатнинг иқтисодий салоҳиятини оширишда инвестициявий муҳитнинг яратилиши ва шаклланиши муҳим аҳамиятга эга. Бир мисол. Кейинги йилларда Хитой иқтисодий жиҳатдан янада юксалиб, хориждан тўғридан-тўғри инвестициялар жалб этиш ҳажми бўйича етакчилар сафига қўшилди.

ЖАРАЁН

Бундай улкан ютуқлар Хитойнинг молиявий аҳволини мустаҳкамлабгина қолмай, балки маҳаллий тадбиркорлик туризмларининг хориждаги фаолиятини кенгайтириш имконини ҳам бермоқда.

Гап шундаки, эркин иқтисодий ҳудуд мақомини олган жойларнинг кўпайиши тараққиёт омил бўлди. Хитойда эркин иқтисодий зоналар экспериментал ижтимоий хусусиятга эга. Яъни мамлакатда бозор иқтисодиётининг самарадорлиги алоҳида олинган эркин иқтисодий зоналар мисолида аниқланган.

Биласиз, Президентимиз

миз ташаббуси билан Навоий шаҳри халқаро аэропорти ёнида МДХ мамлакатлари орасида биринчи бўлиб «Навоий» эркин индустриал-иқтисодий зонаси ташкил этилган. Бундан кўзланган асосий мақсад — жаҳон стандартларига жавоб берадиган ва дунё бозорига талаб юқори бўлган маҳсулот ишлаб чиқаришни таъминладиган замонавий ҳамда юқори технологияли ишлаб чиқаришларни йўлга қўйиш учун хорижий инвестицияларни, биринчи

галда, тўғридан-тўғри инвестицияларни жалб этиш бўйича қулай шарт-шароитлар яра-

тишдир. Шунингдек, вилоятнинг саноат салоҳиятини, ишлаб чиқариш қудратини янада ошириш, транспорт-транзит ва ижтимоий инфратузилмасини ривожлантириш назарда тутилган.

Кейинги йилларда республикаимизда ислоҳотларни чуқурлаштириш, иқтисодиётни либераллаштириш борасида қўрилган амалий тадбирлар натижасида қулай инвестициявий муҳит шакллантирилиб, кўпроқ чет эл инвестицияларини жалб қилишда катта тажриба тўпланди. Бунда, табиийки, Ўзбекистон Республикасининг «Чет эл инвести-

циялари тўғрисида»ги ҳамда «Чет эллик инвесторлар ҳуқуқларининг кафолатлари ва уларни ҳимоя қилиш чоралари тўғрисида»ги қонунлари ҳуқуқий асос бўлиб хизмат қилмоқда.

Дарҳақиқат, воҳада чет эл инвестицияларини жалб этиш, хорижий сармоядорлар иштирокидаги корхоналар фаолиятини рағбатлантириш бугун ўз самарасини бермоқда. «Навоий» эркин индустриал-иқтисодий зонаси ҳудудидаги хўжалик юритувчи субъектларда кенг қўламли юқори технологияли, замонавий ускуналар ва технологик линиялар ҳамда модулларни, инновацион технологияларни жорий этиш ҳисобига жаҳон бозорига рақобатбардош маҳсулотлар ишлаб чиқарила бошланди.

(Давоми 2-бетда).

БИЗ ВА ЖАҲОН

Яқинда "Ўзбекенгилсаноат" давлат-акциядорлик компанияси, Ўзбекистон дизайнерлар ва модельерлар уюшмаси ҳамда "Шарқ либослари" дизайн маркази вакилларида иборат мамлакатимиз делегацияси Францияда бўлиб қайтди.

ҲАМКОРЛИК КЎЛАМИ КЕНГАЯДИ

Ушбу сафар чоғида Ўзбекистон делегацияси аъзолари Франция Тўқимачилик саноати иттифоқи Бош ассамблеясининг ҳар йили ўтказиладиган аънавий мажлисида қатнашди.

Мазкур тадбир доирасида Франциянинг Тўқимачилик ускуналарини ишлаб чиқарувчилар уюшмаси, Ипак ва пахта саноати федерацияси ҳамда қатор тўқимачилик компаниялари вакиллари билан музокаралар ўтказилди.

Мамлакатимиз деле-

гациясининг Эпиналь шаҳрига сафари чоғида эса Ўзбекистон — Франция кооперация биржаси ҳамда Ўзбекистон тўқимачилик саноатининг тақдироти бўлиб ўтди. Унда республикаимизда амалга оширилаётган иқтисодий ислоҳотлар ва кенг қўламли ўзгаришлар, хорижий сармоядорлар учун яратилган қулай имтиёз ҳамда преференциялар ҳақида Франция ишбилармонларига батафсил маълумот берилди.

(Давоми 2-бетда).

Ободлик оиладан бошланади

Жиззах шаҳри ва Фориш туманида "Обод турмуш йили" Давлат дастури доирасида ёшлар акцияси якунига етди. Мазкур тадбир вилоят хотин-қизлар кўмитаси, "Қамолот" ёшлар ихтимоий ҳаракати ва бошқа ташкилотлар ҳамкорлигида уюштирилди.

ЁШЛАР АКЦИЯСИ

Икки кун давом этган ушбу акцияда турли маънавий-маърифий тадбирлар, хусусан, "Қитоб байрами", аёллар ва ёшларнинг спорт фестивали ҳамда марафон мусобақаси ўтказилди.

Дастлаб Фориш туманидаги 1-умумтаълим мактабида "Ободлик оиладан бошланади"

мавзуида ташкиллаштирилган маънавий-маърифий учрашув "Тўмарис" аёллар спорт фестивалига улашиб кетди. Унда Осмонсой маҳалласи волейболчилари ва Оқтом маҳалласи баскетболчи хотин-қизлари голибликни қўлга қиритишди. Стол тенниси, шахмат, энгил атлетика мусобақа-

лари ҳам қизгин ва муросасиз кечди.

— Биз фестивал доирасидаги "Отам, онам ва мен — оилавий спортчиларимиз" деб номланган беллашувда иштирок этиб, ғалаба қозондик, — дейди Сайёд маҳалласида яшовчи Шухрат Маҳкамов ва Қимматой Даминова. — Фарзандларимизнинг соғлом турмуш тарзига одатланиши, иродаси мустаҳкам бўлиши ҳамда улардаги интилувчанликни шакллантиришда бу каби тадбирларнинг аҳамияти беқийёс.

(Давоми 2-бетда).

БИР РАҚАМ ШАРҲИ

Жорий йил биринчи чорагида "Ўзбекистон ҳаво йўллари" Миллий авиакомпанияси томонидан йўловчи ташиш ҳажми 2012 йилнинг шу давридагига нисбатан

10,2

фоиз ўсди.

Ҳаво кемалари паркни янгилаш ва унификация қилиш бўйича дастурларнинг изчил амалга оширилаётгани, авиакомпания линияларида замонавий ҳамда тежамкор янги самолётлардан фойдаланилаётгани туфайли ҳар бир рейсда учадиган ўртача йўловчиларнинг сони муттасил кўпайиб, пировардида ана шундай ижобий натижага эришилди.



Ёзги таътил мароқли ўтади

Бунинг учун барча шарт-шароит яратилган.

Мамлакатимизда эртанги кунимиз эгалари бўлган ёшларни жисмоний ва маънавий жиҳатдан баркамол инсонлар

сифатида тарбиялаш ҳақида эътибор берилмоқда. Болаларни ёзги соғломлаштириш йўналишида янгича ёндашув ҳаётга татбиқ этилиши мисолида буни яққол кўриш мумкин. Унга биноан, болалар оромгоҳлари нафақат жисмоний соғломлаштириш, балки

фарзандларни жисмоний ва маънавий-интеллектуал ривожлантириш масканлари сифатида шакллантирилди. Ушбу йўналишда ишланган самараларнинг давоми олишини ташкил этиш ва соғломлаштириш концепцияси муҳим дастурлашмали бўлиб хизмат қилмоқда.

(Давоми 2-бетда).



зонасида Жанубий Корея, Хитой Халқ Республикаси, АКШ, Германия, Хиндистон, Сингапур, Бирлашган Араб Амирликлари ва бошқа мамлакатлар иштирокида 25 та инвестициявий лойиҳа амалга оширилмакда. Юқори технологиялар асосида автосаноат учун зарур эҳтиёт қисмлар ишлаб

да. Ҳозиргача 855 миллион сўмлик ана шундай маҳсулот буюртмачиларга етказиб берилди.

Худудда самарали фаолият кўрсатаётган корхоналар қаторига «УзМинда» кўшма корхонасини ҳам қиритиш мумкин. «Узавтосаноат» АҚ ва Хиндистоннинг «Minda

ҲАМКОРЛИК КЎЛАМИ КЕНГАЯДИ

(Давоми. Бошланиши 1-бетда).

Шунингдек, Ўзбекистон делегацияси аъзолари Парижда Эраклар либослари федерацияси, Аёллар либослари федерацияси, Франция мода институти ҳамда «Academie internationale de coupe de Paris» модельерлар олий мактаби фаолияти билан яқиндан танишдилар.

Кайд этиш жоизки, мамлакатимиз вакиллари томонидан тақдим этилган Ўзбекистонда тўқимачилик тармоғининг тарқиғи, Тошкент тўқимачилик ва энгил саноат институти, Ўзбекистон дизайн-нерлар ва модельерлар уюшмаси, «Осие рамзи» Ўзбекистон модельерлари уюшмаси сингари муассасаларнинг фаолияти ҳамда ҳар йили ўтказилиб келинаётган «Style.Uz» санъат ҳафталиги хусусидаги маълумотлар Франция мода саноати намояндаларидан катта қизиқиш уйғотди.

Франциялик ишбилармонлар ўзбекистонлик ҳамкасблари билан ҳамкорликка, жум-

ладан, Ўзбекистон пахта толаси ва ип маҳсулотларини бевосита етказиб бериш юзасидан ўзаро алоқаларни ривожлантиришга тайёр эканликларини маълум қилдилар.

Франция Тўқимачилик саноати иттифоқи президенти Ив Дюбейф Ўзбекистонни пахта етиштириш ва экспорт қилиш бўйича дунёдаги етакчи давлатлардан бири сифатида эътироф этар экан, юртимиз заминидан етиштирилган пахтадан юқори сифатли матолар ишлаб чиқарилишига таъйидлади.

— Ўзбекистонда тўқимачилик саноатини ривожлантириш учун барча шарт-шароит, жумладан, юқори малакали кадрлар, бой табиий ресурслар, солиқ имтиёзлари ҳамда преференциялар мавжуд, — деди у. — Ўзбекистон делегациясининг Франция Тўқимачилик саноати иттифоқи Бош ассамблеясининг бу йилги мажлисида иштирок этиши эса мамлакатларимиз ишбилармонлари ўртасида узоқ муддатли шериклик алоқаларининг кенгайишига хизмат қилади.

Франция мода институти бош директори Доминик Жакоме ўзбекистонлик ҳамкасблари билан бўлиб ўтган учрашувлар чоғида Тошкент тўқимачилик ва энгил саноат институти билан ҳамкорликни йўлга қўйиш, хусусан, кўшма илмий тадқиқотлар ўтказиш, ахборот, тажриба ва технологиялар алмашиш, ўқитувчи ҳамда талабалар учун малака ошириш курсларини ташкил этиш юзасидан келишувларга эришилганини маълум қилди.

«Academie internationale de coupe de Paris» модельерлар олий мактаби президенти Жан-Филипп Воклар Ўзбекистон мода ва дизайн бўйича ўзига хос аъёнларга эга эканлигини қайд этди.

— Мактабимиз ҳар йили 120 нафарга яқин мутахассис тайёрлайди, — деди у. — Биз келажикда мактабимизга ўзбекистонлик ёш мутахассисларни қабул қилишни режалаштирганмиз.

«Жаҳон» АА.
Париж

ИНВЕСТИЦИЯВИЙ ЖОЗИБАДОРЛИК

(Давоми. Бошланиши 1-бетда).

— Ҳозирги вақтда вилоятимиз худудида дунёнинг 22 мамлакатидан инвестициялари иштирокидаги 47 та корхона фаолият юритмоқда, — дейди вилоят таълим ва инновация алоқалар, инвестициялар ва савдо бошқармаси бошлиғи Уктам Исломов. — Улар томонидан халқ ҳўжалиги учун зарур озик-овқат, машина-созлик ва металлга ишлов бериш, қурилиш моллари, кимё ва нефть-кимё, электротехника, фармацевтика ва косметика, рангли металлургия маҳсулотлари тайёрланмоқда.

Айни пайтда «Навоий» эркин индустриал-иқтисодий

чиқараётган «Uz Erae Cable» масъулияти чекланган жамияти шаклидаги Ўзбекистон — Жанубий Корея кўшма корхонаси — шулардан бири. Бу жамонинг ишчилари, асосан, ёшлардан иборат. Яъни уларнинг 87 нафари олий ўқув юртлири ва касб-ҳунар коллежларини тугатган малакали мутахассислардир.

Бугунги кунда корхонада 39 турдаги автомобиль кабеллари ишлаб чиқарилаётган. Утган йили амалга оширилган модернизациялаш тадбирлари боис Жанубий Кореядан келтирилган 272 минг АКШ долларлик технология уқуналар ёрдамида юртимизда ишлаб чиқарилаётган «Cobalt» русумли автоматизация акумуляторлари учун жгўт тайёрланмоқ-

Capital Ltd» компанияси инвестициялари асосида ташкил этилган мазкур корхонада «Telesom Innovations» рақамли телевидение сигналларини қабул қилувчи DSLAM ва ADSL моделлари ишлаб чиқарилаётган.

«Навоий» эркин индустриал-иқтисодий зонасида хорик ва маҳаллий инвесторлар томонидан жорий йилда ҳам унга яқин янги корхоналар фаолиятини йўлга қўйиш режалаштирилган. Ҳозир ажратилган жойларда қурилиш-монтаж ишлари жадал давом эттирилмоқда. Бу эса худудда келгусида яна қўллаб иш ўринлари яратилишидан далолатдир.

Азамат ЗАРИПОВ,
«Халқ сўзи» мухбири.

Тинчлик ва осойишталик кафолати

Мамлакатимизда тинчлик ва осойишталик кафолати сифатида ички ишлар идоралари тизимини ислох қилиш, уни бугунги кун талаблари даражасида такомиллаштиришга алоҳида эътибор қаратилмоқда.

ТАДБИР

Аввало, Ўзбекистон Республикаси Вазирлар Маҳкамасининг 1991 йил 25 октябрдаги қарори билан Ички ишлар вазирлиги ташкил этилганини айтиш зарур. Утган даврда ушбу ҳужжатдан келиб чиқиб, ички ишлар идоралари фаолиятини такомиллашти-

риш, таркибий тuzилмалари моддий-техник базасини мустаҳкамлаш, кадрларни танлаш ҳамда хизматни тўғри ташкил этиш йўналишларида кенг кўламли ишлар рўёбга чиқарилди.

Президентимизнинг 2001 йил март ойидаги Фармони билан тизимдаги жиноят-қидирув ва терроризмга қарши кураш, тергов, ҳуқуқбузар-

ликларнинг олдини олиш, патруль-пост хизмати ва жамоат тартибининг сақлаш, ёнғин хавфсизлиги ҳамда йўл ҳаракати хавфсизлиги хизматлари фаолияти янада кўчайтирилди.

1991 йилда вазирлик ҳузурида ташкил этилган «Қўриқлаш» бирлашмаси фаолияти ҳам босқичма-босқич ривожлантирилаётган. Натижа эса шунга нос бўлмоқда. Кейинги 22 йил давомида мазкур хизмат томонидан қўриқланаётган муҳим аҳамиятага эга объектлар сони уч баравар ошди. Айни чоғда уларнинг ҳимояси, хавф-

сизлиги ва мудоаасини таъминлаш-пош жалб этилган шахсий тартибининг жанговар ҳамда касбий тайёргарлиги такомилга етказилмоқда.

Ички ишлар вазирлиги ҳузуридаги «Қўриқлаш» бирлашмасида ташкил этилган қўриқлаш хизматининг долзарб масалаларига бағишланган тадбирда ушбу масала атрофида таҳлил қилинди. Ҳусусан, мазкур хизматнинг моддий-техник базаси мустаҳкамланиб боргани сари унинг хизмат кўрсатиш кўлами кенгайётгани эътироф этилди. Аннқроқ айтганда, бугун-

ги кунда қўриқлаш хизмати томонидан нафақат турли аҳамиятдаги объектлар, шунингдек, аҳоли хонадонлари ҳам кўз қорачиқидек асраб-авайланмоқда. Қўриқлашнинг ушбу тури йўлга қўйилган кезларда 50 та хонадонга хизмат кўрсатилган бўлса, ҳозир улар сони 9 мингта яқини ташкил этмоқда.

Анжуманда соҳага замонавий қўриқлаш техника воситаларини янада кенг жалб этиш ҳамда бундай техникалар ишлаб чиқарувчиларини ҳар томонлама қўллаб-қувватлаш борасида қўрилаётган чора-тадбирлар хусусида ҳам маълумот берилди.

Ш. ХОЛТЎРАЕВ.

ТАҚДИМОТ

Пойтахтимизда «Инсоннинг одил судловга бўлган ҳуқуқларини амалга оширишни ахборот билан таъминлаш» мавзуга бағишланган тақдимот бўлиб ўтди.

ОДИЛ СУДЛОВ

аввало, инсон манфаатларига хизмат қилади

Инсон ҳуқуқлари бўйича Ўзбекистон Республикаси Миллий маркази ҳамда ГИёҳвандлик ва жиноятчилик бўйича БМТ Бошқармасининг Марказий Осиёдаги минтақавий ваколатхонаси ҳамкорлигида ташкил этилган мазкур тадбирда суд ҳокимияти, жазони ижро этиш, ҳуқуқни муҳофаза қилувчи органлар, жамоат ташкилотлари, фуқаролик жамияти институти вакиллари, шунингдек, халқро ташкилотлар ва оммавий ахборот воситалари ходимлари қатнашди.

Тадбирда таъкидланганидек, мамлакатимизни демократик янгилашнинг энг муҳим йўналишлари — қонун устуворлиги ва қонунийликни мустаҳкамлаш, шахс ҳуқуқи ва манфаатларини ишончли ҳимоя қилишга қаратилган суд-ҳуқуқ тизимини исчил демократлаштириш ва либераллаштиришдан иборатдир. Шу боис юртимизда суд ҳокимиятини босқичма-босқич мустаҳкамлаб бориш, суднинг мустақиллигини таъминлаш, уни инсон ҳуқуқ ва эркинликларини ишончли муҳофаза этишга хизмат қиладиган мустақил давлат институтига айлантиришга қаратилган кенг кўламли чора-тадбирлар амалга оширилмоқда.

Айтиш жоизки, фуқароларнинг ўз ҳуқуқларини муҳофаза қилиб, судга мурожаат этишлари Конституциямизда ҳамда мазкур қонунчилигимизда мустаҳкамлаб қўйилган. Фуқаро ўз ҳуқуқ ва эркинликлари бузилган тақдирда, шикоят билан судга ёки ҳуқуқни муҳофаза қилувчи бошқа органларга мурожаат қилиши мумкин.

Шу хусусда сўз борган давра суҳбатда ҳуқуқни муҳофаза қилувчи органлар ва суд фаолиятини самарадорлигини ошириш муҳими-ги, бунда, аввало, тизимда юрист кадрларни тайёрлаш, ходимларнинг малакасини юксалтириш, шу билан бир-

га, ахборот-маърифий, таълим ва тарғибот ишларини кўчайтириш мақсадга мувофиқлиги айтиб ўтилди. Айниқса, суд-ҳуқуқ тизимида фаолият юритадиган ходимлар нафақат миллий қонунчилигимиз нормалари, балки инсон ҳуқуқларига оид халқаро ҳужжатларнинг мазмун-моҳиятидан ҳам хабардор бўлиши зарурлигига тўхталиб ўтилди.

Тадбирда сўзга чиққанлар ҳозирги вақтда мамлакатимизда прокурор ва адвокатнинг тенгчилиги ҳамда жиноят ва фуқаролик ишлари бўйича суд фаолиятининг барча босқичларида ўзаро тортишув бўлишини таъминлашга, одил судловнинг сифати ва тежорлигини оширишга қаратилган чора-тадбирлар исчил амалга оширилаётганини эътироф этишди. Бу борада «Хабмас корпус» институтининг жорий қилиниши, яъни 2008 йилдан эҳтиёт чораси сифатида қамқоқ олишга санкция бериш ҳуқуқи прокурордан судга ўтказилиши инсоннинг конституциявий ҳуқуқ ва эркинликларини, унинг дахлсизлигини ҳимоя қилишда муҳим омил сифатида намён бўлмоқда. Бундан ташқари, мамлакатимизда жинорий-ҳуқуқий соҳани либераллаштириш борасидаги ислохотлар натижасида жиноят-процессуал қонунчилигимизга киритилган ўзгартишларга мувофиқ, тергов ва шахсни қамқоқда сақлаш муддатларини қисқартиришга эришилаётгани ҳам айни муқддоир.

Тадбирда Миллий марказ ҳамда ГИёҳвандлик ва жиноятчилик бўйича БМТ Бошқармасининг Марказий Осиёдаги минтақавий ваколатхонаси томонидан «Одил судлов соҳасида инсон ҳуқуқлари» туркуми доирасида ўзбек ва рус тилларида chop этилган «Ушлаб турилганлар ва қамқоққа олинганларнинг ҳуқуқлари», «Ҳимоя қилиш ҳуқуқи», «Гувоҳнинг ҳуқуқлари» ин химоя қилиш» рисолаларининг тақдимоти бўлиб ўтди.

Яқунда суд-ҳуқуқ ислохотларини амалга оширишда Ўзбекистон ва хорик таърибаларининг ўзига хос томонлари қизғин муҳокама этилди, тегишли тақлиф ва тавсиялар берилди.

Зиёда АШУРОВА.

МЕҲРДАН ЯРАЛГАН ДУРДОНА

(Давоми. Бошланиши 1-бетда).

— Сўзананинг тури кўп, хусусан, унинг босма, кандаҳил, чиндаҳил, хомдўзи, йўрма, ироқи, погур, илмок, баъя каби чок турлари кенг тарқалган, — дейди Махфират ая. — Бундан ташқари, кашандаларнинг бодомулли, настарин, гултожхўроо, турна куроқ ва бошқа хиллари ҳам бор. Матода нақш яратиш инсондан кўп матонат талаб этади, албатта. Чўчи битта гулли қўлдан чиқариш учун соатлаб ишлашга тўғри келади. Лекин бундан чарнамайман, нақшларнинг ҳар бир безагини кўрганимда ҳузурланаман. Чарчоқларим тарқаб кетади.

Айни пайтда ҳунарманд 4 нафар кизи, ўнлаб невара ва чевараларига каштакчиликнинг сир-асрорларини ўргатмоқда. Шогирдлари орасида, айниқса, невараси Феруза Худойбердиева, келини Зилола

Турдиева, чеваралари Нилуфар ва Дилсўз Чориевалар момоси касбини яхши ўзлаштирди. Ҳозирги кунда момо тиккан катта-кичик ҳажмдаги юзлаб ҳунармандчилик маҳсулотлари буюртмачиларга пешма-пеш етказиб берилаётган. Ушбу хо-

надонда тикилган сўзаналарга талабнинг юқорилиги шундаки, бу ерда ипакдан урчўқда ип йиғирилиб, бўялди ва улар хонадон соҳиб Раҳмон бобо Худойбердиев ясаган бизгиза тикилади.

Ниёзмудни кишлоғи —

хунармандлар макони. Буюк Ипак йўлида жойлашган ушбу кишлоқ каштадўзалари тиккан сўзана, нимсўзана, зардевор, жойлўш, белбоғ, пешонабад, шопа-халта, ойна-халта, қаламдон-қоп каби миллий буюмлар қадимдан маълум машҳур. Юртимизда оилавий тадбиркорлик истиқболи учун яратиб берилаётган қўлайликлар Махфират ая сингари хунармандлар саноатининг кўпайишига хизмат қилаяпти. Жорий йилда вилоятдаги тижорат банклари томонидан кичик бизнес ва хусусий тадбиркорликни ривожлантириш мақсадида 263 миллиард сўмлик кредит ажратилиши кўзда тутилган бўлиб, шундан 28 миллиард сўми оилавий тадбиркорликни қўллаб-қувватлашга йўналтирилаётган. Бу, ўз навбатида, фақат миллий хунармандчилик ва оилавий тадбиркорлик ҳисобига 24 мингта янги иш ўрни яратилишига туртки бўлиши, айниқса, қувонарлидир.

Аҳод МУҲАММАДИЕВ,
«Халқ сўзи» мухбири.
Шомирот ШАРАПОВ
олган суратлар.

31 МАЙ — ХАЛҚАРО КАШАНДАЛИККА ҚАРШИ КУРАШ КУНИ

Жаҳон соғлиқни сақлаш ташкилотининг ташаббуси билан 31 май — Халқаро кашандаликка қарши кураш куни сифатида эълон қилинган. Ушбу санада дунёнинг қўллаб-даватларида сиргарила ишлаб чиқариш, чекиш тақиқланади, тамаки маҳсулотлари савдоси тўхтатилади. Анжуманлар, фестиваллар ташкил қилиниб, кашандалик иллатига мубтало бўлганлар яна бир қарра огоҳликка чорланади.

чиқариш ва рақобатни ривожлантириш худудий бошқармаси истеъмолчилар ҳуқуқларини ҳимоя қилиш ва реклама бозорини тартибга солиш бўлими бошлиғи Дилшод Остонов. — Хусусан, бундай маҳсулотларни йиғирма ёшга тулмаган шахсларга, шунингдек, таълим, спорт муассасалари ва диний муассасалардан беш

умумэтироф этилган халқро ҳуқуқ нормаларига мамлакатимизнинг фаол ёндашувини яна бир қарра кўрсатди. Бу каби саъй-ҳаракатларнинг самарадорлигини янада оширишда, албатта, тамакига ружу қўйганларнинг иродаси муҳим роль ўйнайди. Афсуски, аксарият чекувчилар ундан воқ кечиш ҳақида гап кетганда «қўлим

соннинг шаклланишида тарбия воситалари қаторида айнан шахсий намуна энг юқори ўринда туради. Демак, кашанда нафақат ўзини, балки фарзандларини ҳам бу йилдан асраш учун ўз иродасига қатий таяниши лозим.

— Кашандалар орасида тамаки меҳнат қобилиятини оширади, деган нотўғри қараш мавжуд, — дейди врач-нарколог Мирали Соатов. — Чекиш натижасида асаб ҳужайралари фаолияти қисқа вақтга кўзғалади ва бу ҳолат тезда тўхтайдди. Оқибатда миё тоқис кўзғалишга одатланади. Маълум давр ўтгандан сўнг эса организм никотин талаб қила бошлайди. Асаб ҳужайралари кўзғалавириши натижасида кашанданинг боши оғрийдди, бўлар бўлмагса яхши қиқади, тез чарчабди ва меҳнат қобилияти суясади. Усириллар орасида, асосан 14, 17, 19 ёшларда чекишга қизиқиш кўнади. Бу пайтда ота-оналаримиз янада эътиборлироқ бўлишлари зарур. Масалан, болани кичиклигидан спорт билан шуғуланишга ўргатиш худди шундай босқичлардан яхши самара беради. Энди қизлар ва ёш оналар масаласига келсак, улар нафақат ўзларини, балки келажак авлоднинг ҳам жимсонан, ҳам ақлан ривожланишига сабабчи бўладилар. Маҳалла-қўй, жамоатчилик вакиллари, ота-оналар, умуман, барчамиз бунга биргаликда курашишимиз зарур.

Инсонга ҳаёт бир марта берилади. Шундай экан, умрингизни чекиб ҳазон қилманг.

Холида ФАЙЗИЕВА,
журналист.

РОҲАТ ДЕБ ОҒУНИ ТАНЛАМАНГ

Бу аънана, мана, 1980 йилдан буюн давом этиб келаётган. Халқро спорт уюшмалари, федерациялар, спортчилар ҳам бундай хайрли тадбирларни доимо қўллаб-қувватлашади. Масалан, Канадада бўлиб ўтган кички Олимпиада ўйнаилари, Жанубий Африка Республикасида уюштирилган футбол бўйича жаҳон чемпионати, Хитой давлати мезбонлик қилган ёзги Олимпиада ўйинларида айнан чекишга қарши кураш шiori қилиб олинганди.

Халқро жамоатчиликнинг мазкур масалалга жиддий эътибор қаратишининг боиси бор, албатта. Гап шундаки, дунё микёсида турли хасталиклар тўғрйли ҳаётдан кўз юмеётганларнинг аксарияти айнан тамакига ружу қўйганлар бўлиб чиқмоқда.

Мамлакатимизда ҳам кашандаликка қарши кураш борасида қатор ижобий ишлар амалга оширилаётган. Хусусан, 2011 йилнинг 5 октябрда Ўзбекистон Республикасининг «Алкоголь ва тамаки маҳсулотларининг тарқатилиши ҳамда истеъмол қилинишини чеклаш тўғрисида»ги Қонуни

қабул қилинди. Ушбу Қонун фуқароларнинг, аввало, йиғирма ёшга тулмаган шахсларнинг соғлигини ал-

коғоль ва тамаки маҳсулотларини истеъмол қилишнинг зарарли таъсиридан, шу билан болғик илтимойи ва бошқа салбий оқибатлардан ҳимоя қилишга, шунингдек, жамиятга соғлом турмуш тарзини шакллантириш ҳамда қарор топширишнинг ташкилий ва ҳуқуқий шарт-шароитларини яратишга қаратилгани билан аҳамиятлидир. Унга мувофиқ, иш жойларида, соғлиқни сақлаш, таълим, спорт-соғломлаштириш муассасаларида, ёнғин чиқиб хавфи бўлган жойларда, шу жумладан, автотомобилларга ёнилғи қўйиш шохобчаларида, жамоат транспортининг барча турларида тамаки маҳсулотини истеъмол қилишга йўл қўйилмайди.

— Қонуннинг 13-моддасида алкоголь ва тамаки маҳсулотларини реализация қилишга доир чеклашлар белгиланган, — дейди Навоий вилояти хусусийлаштириш, монополиядан

юз метрдан кам радиусда жойлашларнинг, аввало, йиғирма ёшга тулмаган шахсларнинг томонидан до-налаб, қутисиз (ўровсиз) сотилиши

Жаҳон соғлиқни сақлаш ташкилотининг маълумотларига кўра, ҳар йили Ер юзига 6 миллион нафарга яқин киши чекиш оқибатида орттириб олган касаллиги кўрасида айланапти. 17 миллион киши эса юрак-қон томир, ўпка саратони, сил, ошқозоноти бези аялғиланиши каби хасталикларга гирифтор бўлаётган.

мумкин эмас. Бугунги кунда юқорида айтилган муассасалар худудидида жойлашган савдо нуқталарига алкоголь ва тамаки маҳсулотларини сотиш ҳуқуқини берувчи лицензия берилаёпти. Яна бир гап. 2012 йилнинг 24 апрелида «Жаҳон соғлиқни сақлаш ташкилотининг Тамакига қарши курашиш бўйича Ҳадли конвенцияси» (Женева, 2003 йил 21 май) Ўзбекистон Республикасининг қўйи-лиши тўғрисида»ги Ўзбекистон Республикаси Қонуни қабул қилинди. Бу

дан келмайди», деган нотўғри фикр-ни онгларига сингдириб олганлар. Ваҳолонки, шифокор кўриги, рухшўнос маслаҳати билан соғлом ҳаёт тарзига қайтганлар беҳосиб. Аслида тарғибот ва ташвиқот жароёида ана шуларнинг намуна қилиб кўрсатиш мақсадга мувофиқ, на-баримизда. Ёки замонавийлик (айрим кашандаларнинг фикрича шундай) дея тамакига тутқун бўлганлар орасида аёллар, қизлар ҳам борлигига нима дейсиз?!

Ахир бу келажакда соғлом наслга салбий таъсир кўрсатади-ку! Тўғри, фарзандини зарарли одатлардан асрашга уринадиганлар ҳам кўп. Бу яхши жиҳат. Лекин узоқ йиллар кашандаликка боғланиб қолганларнинг «Мен чекиб, соғлигимни йўқотдим, сен бундай қилма» қабилотидаги панд-насихатлари самара берасида ўзини унча оқламайди. Чунки ҳеч бир омил шахсий намуначилик қўйилган натижани бермайди. Мутахассисларнинг фикри ҳам шундай: ин-

(Давоми. Бошланиши 1-бетда).

Айни чоғда ҳуқумат даражасидаги Болаларнинг дам олишини ташкил этиш ва соғломлаштириш чора-тадбирларини ишлаб чиқиш, уларни амалга ошириш юзасидан тизимли назорат ва мониторингни таъминлаш бўйича мувофиқлаштирувчи гуруҳ томонидан жорий йилги ёзги соғломлаштириш мавсуми учун кенг кўламли тайёргарлик ишлари амалга оширилди.

Ёзги таътил мароқли ўтади

Бунинг учун барча шарт-шароит яратилган.

Ўзбекистон Касаба уюшмалари Федерацияси Кенгаши ҳамда тегишли вазирлик ва идоралар ҳамкорлигида ўтказилган анжуманда шулар хусусида атрофида маълумот берилди.

Таъкидланганидек, жорий йилда республикамиз бўйича 1000 та, яъни 210 та стационар, мактаб, академик лицей ва касб-ҳунар коллежлари қошидаги 790 та кундузги, шу жумладан, 50 та меҳнат ва дам олдириш оромгоҳлари болажонларни кўтиб олишга шай қилиб қўйилди. Уларда мавсум давомида 270 минг нафардан зиёдорқ ўғил-қизларимиз хордиқ чиқаришлари баробарида, соғломлаштирилади. Бунинг учун болаларнинг қизиқиш ва имкониятларидан келиб чиқиб, турли йўналишдаги оромгоҳлар ташкил этилган. Жумладан, интеллектуал ривожлантириш, тарбия ва спорт, меҳнат ва дам олдириш йўналишлари билан бирга, жорий йилдан бошлаб, экологик-биологик, ўлкашунослик, теҳник ижодкорлик, ижтимоий мослашу оромгоҳлари ҳам фаолият кўрсатади.

— Кам таъминланган ҳамда боқувчисини йўқотган оилалар фарзандлари, Меҳрибонлик уйлари ва мактаб-интернатлари тарбияланувчилари, жимсионий имконияти чекланган болаларни имтиёзли соғломлаштириш доимий эътиборда бўлиб келмоқда, — дейди Ўзбекистон Касаба уюшмалари Федера-

цияси Кенгашининг маданий-маърифий ишлар бўлими мудрири Л. Холмунова. — Хусусан, жорий мавсумда жамоа шартномалари орқали ходимларнинг 30 минг нафардан ортнқ фарзандларини имтиёзли соғломлаштириш режалаштирилган. «Обод турмуш йили»

ХАЛҚ БАНКИ

Мамлакатимизда иқтисодиётнинг асосий бўғинларидан бири саналган банк-молия тизимини ҳар томонлама ривожлантиришга алоҳида эътибор қаратилаётган. Натижада банкларнинг капиталлашуви даражаси, инвестициявий фаоллиги тобора ортиб, устувор соҳаларни молиявий қўллаб-қувватлаш борасидаги имкониятлари кенгаймоқда.

Жумладан, тадбиркорлик соҳасини ривожлантиришда Халқ банки Жиззах вилояти филиалининг ўзига хос ўрни бор. Мазкур молия муассасасининг 12 та филиали, 13 та минибанки ҳамда 64 та шох-бўча томонидан виллоятдаги кичик бизнес ва

ри аҳолисига қулайликлар яратиш ва турмуш тарзини яхшилаш мақсадида "Аҳолига маиший хизмат кўрсатиш марказлари" куриш учун банк томонидан 4 миллиард 182 миллион сўм миқдорда кредит маблағлари берилди. Қувонарлиси, 135 та иш

ни чуқур ўрганиб, замонавий тивув ускуналарини сотиб олди. Бугун жамоада лойиҳа туфайли ишга олинган 48 нафар чевар қиз тикаётган маҳсулотларга хорижлик буюртмачилар талабдор.

Жорий йилда Президентимизнинг "Маҳаллий но-

ассасада иш бошлаганидан жуда ҳам мамнун. Маълумки, "Обод турмуш йили" Давлат дастурида оилавий тадбиркорликни ривожлантириш, ёш оилаларни ҳар томонлама қўллаб-қувватлаш устувор вазифа сифатида белгилаб берилган. Банк филиали томонидан бу борада ҳам алоҳида режа тузилиб, шу асосда шох-ҳар-туман филиаллари, минибанклар ва шох-бўчалар ходимлари ўзларига бириктирилган ҳудудларда фаоллик кўрсатишмоқда. Шу пайтга қадар 32 нафар банк мижозси касаначилик билан шуғуллана бошлади.

ИЗЛАНИШ ВА ТАШАББУСКОРЛИК — ЮКСАЛИШ ГАРОВИ

хусусий тадбиркорлик вакиллари, қишлоқ ҳўжалиги ҳамда истеъмол маҳсулотлари ишлаб чиқариш субъектларига намунали банк хизматлари кўрсатиб келинмоқда. Халқ банки Жиззах вилояти филиали кейинги йилларда кичик бизнеснинг истиқболли лойиҳаларини молиялаштириш орқали тақлиф этилаётган хизматлар қўламини кенгайтиришга астойдил ҳаракат қилаётган. Бу борада амалга оширилган ишлар натижасида банк кредит портфелининг ҳажми йил бошидаги нисбатан 14 миллиард 643 миллион сўмга кўпайиб, умумий миқдори 2013 йилнинг 1 май ҳолатига кўра, 52 миллиард 596 миллион сўмни ташкил этди.

Бинобарин, иқтисодиётимизда етакчи кучга айланиб бораётган кичик бизнес ва хусусий тадбиркорлик субъектлари учун имтиёзли кредитлар ажратиш, иқтисодий но-чор корхоналарни соғломлаштиришда банкларнинг ролини ошириш бўйича самарали тизим фаолияти йўлга қўйилган. Муваффақиятлар омили бўлмоқда. Шу боис кичик бизнес ва хусусий тадбиркорликни изчил ривожлантиришга қўмаклашиш банк виллоят филиали кредит сўбатининг устувор йўналишига айланган.

Жорий йилнинг 1 май кунига қадар филиал томонидан Президентимизнинг "Озиқ-овқат маҳсулотлари ишлаб чиқаришни кенгайтириш ва ички бозорни тўлдириш юзасидан қўшимча чора-тадбирлар тўғрисида"ги қарори бўйича тадбиркорларга 1 миллиард 664 миллион сўм миқдорда кредит маблағлари ажратилди.

Умуман олганда, турли тармоқларга кредитлар кўриштиришда жойлаштирилаётган Халқ банки сармоялари ўз самарасини намойён этаётган. Чунонки, Жиззах виллоятининг барча шаҳар ва туманла-

ўрни яратилди. Бошқа бир мисол, Жиззах шаҳридаги "Бону ширинликлари" МЧЖ банкдан олган 420 миллион сўмлик кредити эвазига энг замонавий ускуналар сотиб олиб, қисқа даврда бир неча хил янги турдаги қандолат маҳсулотлари ишлаб чиқаришни йўлга қўйди. Эндиликда иқтисодий бақувват корхона учун кредитни қайтариш муаммоси қолмади. Энг муҳими, хари-доригр ва сифатли ма-



сулотлар ишлаб чиқариш эвазига бу ерда 30 га яқин ёшлар иш билан таъминланди. — Биз харидорларга замонавий маҳсулотларни тақлиф этишни мақсад қилганмиз, — дейди "Бону ширинликлари" МЧЖ раҳбари Рустам Икромов. — Бугун шунга тўлиқ эришдик, десам, муболага бўлмайди. Келгусида банк билан ҳамкорликда хориждан энг замонавий ускуналарни олиб келиб, барчага маълум бўладиган ширинликлар тайёрлашни йўлга қўямиз.

Банк филиали давлатимиз раҳбарининг 2004 йил 25 майдаги "Ўзбекистон Хотин-қизлар қўмитаси фаолиятини қўллаб-қувватлаш борасидаги қўшимча чора-тадбирлар тўғрисида"ги Фармони асосида Пактакор туманидаги "Нафис Нухса Бароқат" МЧЖга 160 миллион сўмлик кредит ажратган эди. Корхона трикотаж кийимларга бўлган талаб-

озик-овқат истеъмол то-варлари ишлаб чиқариш кенгайтирилишини рағбатлантириш борасидаги қўшимча чора-тадбирлар тўғрисида"ги қарори иж-роси юзасидан 1 милли-ард 611 миллион сўм кре-дит маблағлари ажратил-гани, 407 та иш ўрни я-ратилгани ҳам эътиборга моликдир. Шу ўринда яна мисолларга мурожаат қилсам.

Жиззах шаҳридаги "Трикотаж нотўқима" МЧЖ банкдан олган 392 милли-

он сўмлик кредит эвазига замонавий ускуналарни ишга тушириб, фаолиятини кенгайтирди. Жум-ладан, автомобилларга хизмат кўрсатишга киришди, пироваврида 23 та қўшимча иш ўрни очилди.

Жиззах шаҳридаги "Раёхон Шахзод" хусусий тиббиёт фирмаси ҳам 125 миллион сўмлик кредитни хориждан тиббий асбоб-ускуналар харид қилишга сарфлади. Ҳозир аҳолига арзон ва сифатли тиббий хизмат кўрсатилаётганли-ги боис, мижозлар билан гавжум. 23 нафар тиббиёт коллежини битирган йи-гит-қиз эса барча шарт-шароитга эга тиббий му-

хтасар айтганда, Давлат-тижорат Халқ бан-кининг Жиззах виллояти филиали томонидан амал-га оширилаётган ишлар қўламини кенг. Қолаверса, банк жамоасининг мақсади аниқ, у ҳам бўлса, аҳолининг турмуш даражасини янада яхшилаш, мамлакатимиз иқтисодиётининг барқарор ривож-ланишига муносиб ҳисса қўшишдир.

Банк матбуот хизмати.

Qishloq Qurilish Bank

барча юртдошларимизга қўйидаги янги омонат турларини тақлиф этади:

- «Меҳр» — муддати 1 ой.
- «Барҳаёт» — муддати 12 ой.
- «Ишонч» — муддати 6 ой.
- «Нишона» — муддати 3 ой.
- «Обод турмуш» — муддати 24 ой.
- «Benifit» — муддати 1-3 ой.

Хорижий валютада: «Benifit» — муддати 1-3 ой.

Қўйидаги омонат тури намунавий лойиҳалар асосида қўйидаги омонат турларини олишчи фуқароларни қўллаб-қувватлаш мақсадида жорий қилинган: «Мадад» — 1 йилдан кам бўлмаган муддатга.

Мурожаат учун телефонлар: (+99871) 150-76-53, 150-39-93. www.qqb.uz

«Қишлоқ қурилиш банк» — фаровон ҳаётингиз хизматида! Хизматлар лицензияланган.

Ушбу омонат турларига маблаг банкнинг барча филиалларида қабул қилинади.

1. Тошкент шаҳар минтақавий филиали (8-371) 150-77-21
2. Тошкент вилояти минтақавий филиали (8-371) 150-79-19
3. Андижон минтақавий филиали (8-374) 222-23-72
4. Фарғона минтақавий филиали (8-373) 229-70-91
5. Наманган минтақавий филиали (8-369) 223-04-37
6. Бухоро минтақавий филиали (8-365) 223-92-21
7. Самарқанд минтақавий филиали (8-366) 210-02-49
8. Қашқадарё минтақавий филиали (8-375) 771-04-26
9. Сурхондарё минтақавий филиали (8-376) 770-83-72
10. Қорақалпоғистон минтақавий филиали (8-361) 224-22-15
11. Хоразм минтақавий филиали (8-362) 227-48-15
12. Сирдарё минтақавий филиали (8-372) 221-00-71
13. Жиззах минтақавий филиали (8-372) 771-63-38
14. Наъвоий минтақавий филиали (8-436) 770-27-97

Банкдаги омонатлар Ўзбекистон Республикаси Президентининг 2008 йил 28 ноябрдаги «Фуқароларнинг Ўзбекистон Республикаси тижорат банкларидagi омонатларини ҳимоялаш кафолатларини таъминлашга оид қўшимча чора-тадбирлар тўғрисида»ги ПФ-4057-сонли Фармони асосида тўлиқ кафолатланади.

«REALTOR GARANT BUSINESS» МЧЖ

бошлангич баҳоси босқичма-босқич ошиб бориш тартибда ўтказиладиган очик аукцион савдосига тақлиф этади.

Аукцион савдосига қўйидаги кўчмас мулк қўйилмоқда: Юқори Чирчиқ тумани СИБ томонидан 2011 йил 3 ноябрдаги ижро варақасига асосан хатланган, Тошкент вилояти, Юқори Чирчиқ тумани, Султонравод даҳаси, Паркент кўчасида жойлашган чойхона биноси.

Бошлангич баҳоси — 87 082 317 сўм. Аукцион савдоси 2013 йил 17 июнь кuni соат 11.00 да бўлиб ўтади.

Аукцион савдосига қўйилган кўчмас мулк билан тегишли туман СИБ вакили иштирокида бевосита жойига чиқиб танишиш мумкин. Аукцион савдосида иштирок этиш истагидаги талабгорлардан аризалар иш кунлари соат 10.00 дан 16.00 гача қабул қилинади (соат 13.00 дан

14.00 гача тушлик вақти). Аризаларни қабул қилиш аукцион савдосида бир кун олдин тўхтатилади. Аукцион савдосида қатнашиш истагидаги талабгорлар мулк бошлангич баҳосининг 10 фоизидан кам бўлмаган миқдордаги закалат пулини «REALTOR GARANT BUSINESS» МЧЖнинг АТИБ «Ипотeka-банк» Шайхонтоҳур филиалидаги қўйидаги ҳисоб рақамига тўлашлари шарт: 20208000304936050001, МФО: 00425, СТИР: 207125885.

Аукцион савдоси ўтказиладиган манзил: Тошкент шаҳри, Юнусовд тумани, 17-қават, 3-уй, 1-хонадон. Телефон: (+99893) 577-22-12.

Лицензия: RR-0052.

«Universal Auktsion Invest» МЧЖ Фарғона виллояти филиали

очик аукцион савдоларига тақлиф этади.

2013 йил 2 июль кuni соат 10.00 да ўтказиладиган аукцион савдосига қўйидаги автотранспорт воситалари қўйилмоқда: Қўқон шаҳар СИБ томонидан ЖИБ Қўқон шаҳар судининг 2012 йил 25 июлдаги 1-561-сонли ижро варақасига асосан хатланган, Қўқон шаҳар ИИБ ЙХБда сақланаётган:

- 1984 йилда ишлаб чиқарилган, «Одаз-9370» русумли, ранги қизил, давлат рақами 15 В 062.
- Бошлангич баҳоси — 7 500 371 сўм.
- 1984 йилда ишлаб чиқарилган, «КамАЗ-5410» русумли, ранги қизил, давлат рақами 15 АЕ 539.
- Бошлангич баҳоси — 16 489 509 сўм.

Езёвон тумани СИБ томонидан ЖИБ Езёвон тумани судининг 2012 йил 29 октябрдаги ижро варақасига асосан хатланган, 1996 йилда ишлаб чиқарилган, «Тисо» русумли, ранги оқ, давлат рақами 15 С 0125.

Бошлангич баҳоси — 22 100 051 сўм.

2013 йил 2 июлдаги аукцион савдоси учун талабгорлардан аризаларни қабул қилиш 2013 йил 28 июнь кuni соат 17.00 да тўхтатилади.

2013 йил 14 июнь кuni соат 10.00 да ўтказиладиган аукцион савдосига Фарғона шаҳар СИБ томонидан Фарғона виллояти ҳўжалик судининг 2010 йил 20 апрелдаги 15-09-07/955-сонли ижро варақасига асосан хатланган, Фарғона шаҳар ИИБ ЙХБда сақланаётган, 1993 йилда ишлаб чиқарилган, «MERCEDIS-BENZ» русумли, сиёҳранг тусли,

давлат рақами 15 АА 001 бўлган автобус такроран қўйилмоқда.

Бошлангич баҳоси — 8 274 190 сўм.

Талабгорлардан аризаларни қабул қилиш 2013 йил 12 июнь кuni соат 17.00 да тўхтатилади. Аризалар иш кунлари соат 9.00 дан 17.00 гача қўйида кўрсатилган манзилда қабул қилинади. Аукцион савдосида иштирок этиш истагидаги талабгорлар «Закалат пули тўғрисидаги келишув»ни имзолагандан сўнг объект бошлангич баҳосининг 30 фоизидан кам бўлмаган миқдордаги закалат пулини «Universal Auktsion Invest» МЧЖ Фарғона виллояти филиалининг ОАТ «Савдогарбанк» Фарғона виллояти бўлими МФО: 00500, СТИР: 302083379, 20208000204932168003 ҳисоб рақамига тўлашлари ва қўйида кўрсатилган ҳужжатларни топширишлари керак: аукцион савдосида қатнашиш учун юридик шахслардан давлат рўйхатидан ўтказилганлиги тўғрисидаги гувоҳнома нусхаси, агар ваколатли шахс қатнашса, ўрнатилган тартибда расмийлаштирилган ишончнома, унинг шахсини тасдиқлайдиган ҳужжат нусхаси илова қилинган ҳолда, закалат пули тўланганлиги ҳақида тўлов ҳужжати. Тўлов ҳужжатида ижро ҳужжати рақами ва санаси кўрсатилган бўлиши шарт. Ихтиёрий қўшимча хизматлар учун тўлов олинади.

Аукцион савдосини ўтказиш ва қўшимча маълумот олиш манзили: Фарғона шаҳри, академик Авлиёхон Мухаммадиев кўчаси, 64-«а» уй. Мурожаат учун телефон: (+99895) 404-44-78.

Гувоҳнома № 004059.

«КО'SHMAS MULK SAVDO XIZMATI» МЧЖ

Бухоро виллояти филиали

бошлангич баҳоси босқичма-босқич ошиб бориш тартибда ўтказиладиган очик аукцион савдосига тақлиф этади.

Аукцион савдосига Бухоро шаҳар СИБ томонидан ЖИБ Тошкент шаҳар судининг 2012 йил 6 августдаги ЖСК-1-222/12-сонли ижро варақасига асосан хатланган, Бухоро шаҳри, Қ. Муртазоев кўчасида жойлашган, умумий майдони 500,0 кв.м.дан иборат, пишиқ гиштдан қурилган икки қаватли 21-уй-жой такроран қўйилмоқда.

Бошлангич баҳоси — 642 241 017 сўм. Аукцион савдоси 2013 йил 20 июнь кuni соат 11.00 да бўлиб ўтади.

Аризалар иш кунлари соат 10.00 дан 16.00 гача қабул қилинади (соат 13.00 дан 14.00 гача тушлик вақти). Аризаларни қабул қилишнинг охириги муддати — 2013 йил 18 июнь кuni соат 18.00.

Кўчмас мулк билан тегишли суд ижрочилари бўлими вакили иштирокида бевосита жойига чиқиб танишиш мумкин. Талабгорлар мулк бошлангич баҳосининг 10 фоизидан кам бўлмаган миқдордаги закалат пулини тўлов ҳужжатида ижро ҳужжати рақами ва санасини кўрсатган ҳолда, «КО'SHMAS MULK SAVDO XIZMATI» МЧЖнинг «Туронбанк» Бухоро филиалидаги қўйидаги ҳисоб рақамига тўлашлари шарт: 20208000304920609016, МФО: 00111, СТИР: 207122519.

Манзил: Бухоро ш., Мустақиллик к., 10-уй, 4-қават. Телефон: (8-365) 223-71-30.

Лицензия: RR-0001.

Ўзбекистон Республикаси Соғлиқни сақлаш вазирлиги

ТОШКЕНТ ФАРМАЦЕВТИКА ИНСТИТУТИ

кафедралардаги қўйидаги бўш лавозимларга танлов эълон қилади:

- **Фармакогнозия ботаника курси билан кафедраси:** доцент — 1.
- **Дори турлари технологияси кафедраси:** катта ўқитувчи — 1.
- **Токсикологик, органик ва биологик кимё кафедраси:** профессор — 2 (токсикологик кимё — 1, органик кимё — 1).
- **Фармакология ва клиник фармацияси кафедраси:** доцент — 1, ассистент — 1.
- **Анорганик, аналитик, физик ва коллоид кимё кафедраси:** профессор — 2 (физколлоид кимё — 1, аналитик кимё — 1).

Танлов муддати — эълон чоп этилган кундан бошлаб — 1 ой.

Манзил: Тошкент шаҳри, Ойбек кўчаси, 45-уй. Телефонлар: (8-371) 256-37-38, 256-38-50.

«КО'SHMAS MULK SAVDO XIZMATI» МЧЖ Самарқанд виллояти филиали

бошлангич баҳоси босқичма-босқич ошиб бориш тартибда ўтказиладиган очик аукцион савдосига тақлиф этади.

Аукцион савдосига Суд департаменти Самарқанд виллояти ҳудудий босқармаси томонидан ЖИБ Тошкент шаҳар Олмазор (собик С. Раҳимов) тумани судининг 2010 йил 2 апрелдаги 1-17/10-сонли ижро варақасига асосан хатланган қўйидаги кўчмас мулклар такроран қўйилмоқда:

1. Самарқанд шаҳри, Набиева кўчаси, 6-уйда жойлашган, «Жаҳон-жон» ХИЧСТФга тегишли, умумий майдони 12624 кв.м., қурилиш ости майдони 3884,15 кв.м. бўлган база биноси ва унинг мол-мулкларни мулкрий мажмуа сифатида қўйилмоқда.
2. Каттақўрғон шаҳри, Туркистон кўчаси, 41-«А» уйда жойлашган, «Каттақўрғон-ғишт Шоҳжон» хусусий корхонасига тегишли, қурилиш ости майдони 18943,72 кв.м. бўлган ғишт заводи биноси.

Бошлангич баҳоси — 493 437 090 сўм.

3. Самарқанд шаҳри, Магистраль кўчаси, Аэропорт, 9-уйда жойлашган, «Жаҳон-жон» ХИЧСТФга тегишли, қурилиш ости майдони 4413,18 кв.м. бўлган автобекети биноси.

Бошлангич баҳоси — 509 822 194 сўм.

Аукцион савдоси 2013 йил 17 июнь кuni соат 11.00 да бўлиб ўтади.

Аризалар иш кунлари соат 10.00 дан 16.00 гача қабул қилинади (соат 13.00 дан 14.00 гача тушлик вақти). Аризаларни қабул қилишнинг охириги муддати — 2013 йил 14 июнь кuni соат 16.00.

Кўчмас мулклар билан тегишли суд ижрочилари бўлими вакили иштирокида бевосита жойига чиқиб танишиш мумкин. Талабгорлар мулк бошлангич баҳосининг 10 фоизидан кам бўлмаган миқдордаги закалат пулини тўлов ҳужжатида ижро ҳужжати рақами ва санасини кўрсатган ҳолда, «КО'SHMAS MULK SAVDO XIZMATI» МЧЖнинг АТИБ «Ипотeka-банк» «Кўксарой» филиалидаги қўйидаги ҳисоб рақамига тўлашлари шарт: 20208000604920609025, МФО: 00262, СТИР: 207122519.

Манзил: Самарқанд ш., Бўстонсарой к., 85-«А» уй. Телефон: (8-366) 233-80-56. www.1kms.uz

Лицензия: RR-0001.

«Қибрай» клиник санаторийси

юрак-қон томир ва асаб тизими касалликларини даволаш бўйича мамлакатимиздаги етакчи ихтисослаштирилган сихатгоҳдир.

Бу ерда 2 нафар профессор, олий тоифали кардиолог, невропатолог, пульмонолог ва бошқа етуқ мутахассислар тиббиётнинг энг илгор усуллари асосида беморларни даволайдилар.

Сихатгоҳда сауна, сузиш ҳавзаси, фитобар, теннис корти, бильярд ва яна кўплаб қулайликлар мавжуд. Яшаш хоналари кабель ТВ ва маиший электр асбоблари билан жиҳозланган.

Ошхонада 5 маҳал парҳез таомларни ўз ичига олган таомнома тавсия қилинади.

Манзилимиз: Тошкент виллояти, Қибрай тумани, Қибрай қўрғони. Метронинг «Буюк Ипак йўли» бекатидан 101-автobус ёки 135-йўналиши тақсид «Дача» бекати-гача бориш мумкин.

Тел.: (8-371) 286-02-00, 286-01-97, 286-01-46.

«Халқ сўзи» ЭЪЛОНЛАР

ҚАБУЛ ҚИЛИНАДИ.

9.00 дан 18.00 гача 232-11-15, 236-09-25. E-mail: reklama@xs.uz

Ўзбекистон Бадий академияси, Бадий ижодкорлар уюшмаси жамоалари Ўзбекистон Республикаси санъат арбоби Қосим САЛИДЖАНОВнинг

вафоти муносабати билан марҳумнинг оила аъзолари ва ақилларига чуқур ҳамдардлик изҳор этадилар.

Тошкент автомобиль-йўллар институти жамоаси Маркетинг бўлими инспектори, Хотин-қизлар қўмитаси бошлангич ташкилоти раиси Мияссар Умарходжаева падари бузруквори Хуснутдин ШАЙХОВнинг вафоти муносабати билан чуқур таъзия изҳор этади.

